

## Titiraq Tukihimaqatigiigutimi piliuqtauhimajuq uvan tukliujumi ublungani April, 2019

### Ukunangni:

#### Nunavut Kavamatkunni ilaupkaqtaujuq uumannga Ministamin Pivalliajuliqijikkut Ingilrajuliqijikkunullu (“GN-kut”)

#### unalu

#### **Baffinland Iron Mines Corp.**

kuapuriisiujuq ataani maligainni avikturhimanirmi Ontariomi taimaalu  
atanngujaqarvigaqtun havagvingmik uvani Oakville, Ontario, Kanadami  
(“**Baffinland**”)

(talvannga-taimaa uqaqtauniaqtuk ilikkut imaatun “Ilaujuq”, atauttiknullu “Ilaujuk”)

**TAIMAATUN** GN-kut Baffinland-kullu tamarmik uppiruhuktut Nunavunmiut ikajuqtaujukhat  
piqutinini pivallialiunirnin Nunavunmi imaalu, taimaatuntauq, angiklijuummiqtiqnikkut  
havaanikkut pidjutijaami pivalliavikhamik anginiqaqtuq;

**TAIMAATUNTAUQ** GN-kut Baffinland-kullu ilitarijaat tamarmik ikajugumik pidjutiniaqtuq  
havaqatigiigumik imaa: tamarmik naunaijautiqatigiiklutik, amigaikjuummiklugit havaaqhat  
Nunavunmiunut ilauvikhaqariami akiliuhiatigun, pijaamilu nakuuqpiactumik ujararhiuqviliqinikkut  
imaalu pidjutiyaami ikiqlijuummiklugit aktungnangniit avatiliqinirmun huradjanunlu, ihumagilugulu  
atauttimun piunmayainnik pivikhaqaqqat inungni-maniliurutikhanik ikajuutikhait Nunavunmiut;

**TAIMAATUNTAUQ** havaqatigiittiarnik GN-kut Baffinland-kullu ikajurniaqtait tamaita ilaujut  
tamaitalu Nunavunmiut, nakuuharniaqtaillu ihuaqtut nakuujumiklu aturniit hailihimajuni piqutinik;

**TAIMAATUNTAUQ** Baffinland-kut akhuungniaqtut tikiutijaamingnik havaktakhainnik,  
taapkuaniklu pidjutilgit inungni-maniliurutikhanik ikajuutikhait ittuni talvan Inungnut Hulaqtikkut  
Ikajuutikhanut Angirutini iliararhimajut taapkunanani Qikiqtani Inuit Katimajiinni Baffinland-kunnilu  
pidjutigiplugit Mary River ujararhiuqviinni havaagijainni;

**TADJA TAIMAITTUMIKTAUQ**, tamaita Ilaujun angiqtaait hapkuat:

### **Pidjutilluan’nga**

Pidjutilluan’nga uuma Titiraq Tukihimaqatigiigutimi (“MOU”) pitqudjut ihuaqpiactumik pijukhat  
Ilaujut parnaqtikhakkut havaqatigiikniin paannariingniinlu akhuuqhailutik munarittiaqlugu  
maniliurnahuarnikkut pidjutilutik taimainnik ikajuutinik pivikhaqaqtittitutik pidjutihimaaqlutik  
Nunavunmi.

### **Havaqatigiikniq Aulapkainirilu Paannariigutininik**

1. Ilaujut pijukhat qiniqhialutik pivikhaqariami havaqatigiingnirmun, naunaijaqattaqatigiiklutik aulapkainirniklu paannariigutinin hapkunanin hivullitijaujuni:
  - a) Ungummidjutit Havalirnirnun  
*Nunavut Kavamatkut Baffinland-kullu angiqhimajut havaqatiigiiklutik mikhilaaqtirnikkut ungummidjutinik havalirnirnun pittaaqtunkiaq kinguvaqtirnin hivuagun-havaliqtinnani aanniaqtailinikkun ihivriurutinun ukunaninlu pijumalimairutivaktunin havaknirnik talvannga igluitigun akiinni maliktakhakkut atugakhainni taapkununga igluqaqtun inungnun iglugijainni.*
  - b) Iliharniq Ajuirharniillu  
*Nunavut Kavamatkut Baffinland-kullu angiqhimajut havaqatiigiiklutik pivallialiurnikkut iliharnikkut ajuirharnikkullu pinahaurutinik piliuqtauhimajun amigaijuummiqtirumanikkut Inuinnarnik havaliqtukhanik uvani Mary River Havaktaujukhami.*
  - c) Nunallaani Nakuaqutit  
*Nunavut Kavamatkut Baffinland-kullu angiqhimajut havaqatiigiiklutik paannariiklutik pivallialiurnikkut kiudjutikhanik ipirailailaqidjutikkut, pimmarighaqlugin nunallaani tunnganiqaqtun ilagiiktuni uqaudjinikkut havagutin, pivallialiurnikkullu pinahuarutikhanik qaujihimajuummirutinikkut nuliarnikkut hiamittiqtaaqtuun aannialaqidjutit.*
  - d) Auladjutikhat Ingilradjutikhallu  
*Nunavut Kavamatkut Baffinland-kullu angiqhimajut qinirhialutik qanuriliurutikhanik taapkuat Havaktaujukhat Nunallaanilu ingilradjutikhat ikajuqtaaqtaait ihariagijaujuni naliinnin ilaujunin amigaijaquummiqtirnikkut Inuinnarni havakliqtukhanik Havaktauvikmi, pimmarigharlugin nunallaani iliharnikkut, ajuirharnikkut, ulapqinikkullu uuktuqvikhanik, ikajuqlugillu pivallialiurnikkut hivunikhait Haamlatkunni, pijaaqqat ihuaqqallu.*
2. Iluani 90-ni ubluni sainiutaanin uumani MOU-mi, Ilajut imailiurniaqtun:
  - a. Piliuqluni amirijikhamik katimajinik ("Katimajit") ilaqaqtun malruuknik (2) angajukhinik katimajikhamik tamarnin Ilaujunin; imaalu
  - b. Piliuqluni taidjutikhanik naunaitkutikhanik Katimajiinnun, ilaujullu havaktakhait munarijakhaiillu qujaginnani iluaniittunin-katimajiinnik havakvikniklu (ukuat "Taidjutikhanik Nauniatkutikhanik").
3. Ilaujuk angiqhimajuk angikliharniit Inuinnarnik havaktukhamik Nunavunmi hivullitihimajuq ataani uumani angirutimi. Paannariigutin aullaqtipkainikkut havaktiiliqtipakinikkut Inuinnarnik angikliharnirniklu nakuujunik inirutikhanik Inuinnarni

havaktini havaktauniaqtu uvuuna MOU-kut. Havaktikhaqhiunikkut hivulliutiniit piniyaqtun hivulliqpaakkut Inuinnarnun Mittimatalikmin, Ikpiarjukmin, Iglulikmin, Sanirajakmin, Kangiqtugaapikminlu. Hivulliutidjutit kinguagun talvannga tunijauniaqtun Inuinnarnun nunalgit aallani Qikiqtaani nunallaanginnik, tahapkungattauq tamainnun Inuinnarnun nunalgit hilataani Qikiqtaanin ilauhimajut ataani Nunavunmi Angirutimi.

4. Talvaujuq kihimi angiqtaugumi hivuani, tamaita, Ilauyut munariqangniaqtut akikhanut inmik ilaudjutikhainnik ilaunikkullu uvani MOU-mi, ilaunikkullu Katimajiinni, qujaginnanilu iluani katimajiinni, uvanilu/uvaniluunniit Havagvingmi.

### **Ihivriunniq**

5. Ilaujut ihivriungniaqtaat una MOU tikigaikpata pingahut (3) ukiut pipkainikkut taapkuat maliktakhait atuqtakhaillu naammagijauraanginnarninginnik hivulliutijauhijamajukhallu aturutikhaqaanginnarlutiklu.
6. Piniarhimadjutit pidjutihimayait Ilaujunin malikhugu una MOU piniyaqtuq atauttikku ukiuq tamaat ihivriuqtauluni Ilaujunin.

### **Maligakkut Maliktitaudjutiqangittuq**

7. Una MOU maligakkut maliktitaudjutiqangittuq angirutit pidjutiqangittuqlu maligakkut havagutikhamik naliinni Ilaujunin.
8. Una MOU ihumagijakhaungittuq naliinnik taimaatun pitqudjutaaluni ilaupkaqtitaungidjutaaluniluunniit havaqatigiiknirnik qujaginnani naunaijaqhimajumi hunami, pidjutaungillunilu qujaginnaq kiklikhaqtipkailuni pijaarutainnik naliinnik Ilaujunik ilikkuuqlutik ihumaliuqlutik piniarhimadjutimikni inmiknik tikittumajamiknik hivulliutijumajamiknikluunniit.

### **Angiqatigiigutaungittumun Ihuarhainiq**

9. Ilaujun angiqatigiiktut piniyaqtun piqpiarnahuarlutik havagutinik ihuarhainikkut ihuaqtukkuq uqaqatigiiknikkuq qujaginnanik angiqatigiigutaungittunik mighaagun taimainnahugijaujuni atuqtipkainikkulluunniit uumani MOU-mi, taapkuat uqaqatigiikniit taimaaqtilimaitaa kihiami CEO-nga Baffinland-min (tikkuqaqtauhimajaaluunniit) unalu Nunavuttip Hivuliqtia (tikkuqaqtauhimajaaluunniit) ihumagidjutaani angiqatigiigutaungittumi.

### **Aallanguqtinqiq Taimaaqtittiniqlu**

10. Una MOU atuqlirniaqtuq ublungani sainiqtauningani tamarmiknin Ilaujunin atuqhimaraangniaqtuqlu talvunga taimaaqtittinirninganun malikhugu ilangani 13-mi.

11. Una MOU aallanguqtiqtauttaaqtuq qujaginnaq ublumi talvuuna titiraqhimajukkut angirutikkut Ilaujunin.
12. Naliik Ilaujuk taimaaqtaqtuk ilaunirmi uumani MOU-mi tuninikkut Ilaumatimiknun titiraqhimajumik naunaitkutimik uumuuna unalu MOU taimaaqniaqtuq iluani 90-ni ublumi talvannga ublunganin naunaitkutimin.

### **Taapkununga**

13. Naliik Ilaujuk munarilimaittuk hulidjutainnik pingahuanik ilaujunik ilaujungharhijun piniarhimadjutini ilaudjutainni malikhugu una MOU.
14. Una MOU munaqtaudjutiqaqtut maligainnin Nunavutim.
15. Tamarmik Ilaujuk pihimaniaqtaik ihumaliurudjutait, havagvingni nanminiridjutailu pilaarutait qujaginnanun ilitturipkaidjutinun tunijauvakhimajun Ilaumatigijamiknun malikhugu una MOU.
16. Tamarmik Ilaujuk maliktakhat tamaita maligat mighaagun katitirnikkut, atuqnikkut, uqarnikkut, hiमितiqtailinikkullu inungmi aallanilu ilitaridjutaujaaqtuni tunigaangami qujaginnanik ilitturipkaidjutikhanik Ilaumatiminun malikhugu una MOU.

### **Tuhaqtipkaidjut**

17. Qujaginnait tuhaqtipkaidjutikhat tunitqujauhimajun malikhugu una MOU tujuqtaujukhaq kajumiktukkut qaritaujaliqidjutikkulluunniit tunilugu uumunga:
  - a. G- kunnun:

David Kunuk  
Aulapkaiji, Ujaraujani Urhuqjualiqaqinirmullu Piqutini  
Pivalliajulijikkut Ingilrayulijikkullu Havagvik  
[dkunuk@gov.nu.ca](mailto:dkunuk@gov.nu.ca)  
867-975-7870 kajumiktukkut
  - b. Baffinland-mun
    - i. Baffinland Iron Mines Corporation  
2275 Upper Middle Road East- Suite 300  
Oakville, ON L6H 0C3
    - ii. Qaritaujakkuurutikkut: Kingulliqpaaq ilihimajaujuq qaritaujakkuurutikkut titiqqiviani Atanngujamun, Inuit, Kavamatkut, Ilaudjutiqaqtununu Havagvingmilu

Sainiqtauhimajuq angiqtauhimajunin ilaupqaqidjutainnin Ilaujunin talvannga ublunganin hivullikkut titiraqhimajuq qulaani:

**Nuanvut Kavamanga**

**Baffinland Iron Mines Corp.**

---

Nanngarijaujuq David Akeeagok  
Minista Pivalliajuliqijikkut  
Ingilrajuliqijikkullu

---

Brian Penney  
Atanilluaq Tukimuaqtittijilu